

ქართული ენა

ენციკლოპედია



ენციკლოპედია „ქართული ენის“ გამოცემა შესაძლებელი გახდა თიბისი ბანკისა და მისი ხელმძღვანელის ბატონ მამუკა ხაზარაძის ფინანსური მხარდაჭერით.

ქართული ენციკლოპედიის ირაკლი აბაშიძის სახელობის
მთავარი სამეცნიერო რედაქცია

არნოლდ ჩიქობავას სახელობის ენათმეცნიერების
ინსტიტუტი

საქართველოს
მეცნიერებათა ეროვნული აკადემია

შემდგენელი – იზაბელა ქობალავა

რედაქტორი – გუნა კვარაცხელია

სარედაქციო კოლეგია – ზურაბ აბაშიძე, ავთანდილ არაბული, შუქია ავრილონიძე, ჭგენადი ბურჭულაძე, გიორგი გობოლაშვილი, ნანა ლოლაძე (პასუხისმგებელი მდივანი), ჭურაბ სარჯველაძე, ავთანდილ საყვარელიძე, ვალერი სილოგავა, მიხეილ ქავთარია.

ენციკლოპედიის ძირითადი სამუშაო ჯგუფი:

ირინე აბაშიძე, ნოდარ ბიოშვილი, თამაზ ღვალი, მარინე თუშიშვილი, ოთარ ლაბაძე, მთვარისა სილაგაძე, შორენა ანჯაფარიძე, თამარ ღოლიძე, მანანა მაკალათია, რუსუდან ფოფხაძე, ნელი ქაფიანიძე.

მხატვრობა – ელენე მაჭავარიანი, შოთა ნიორაძე

ტექ. რედაქტორი – დავით ნიორაძე

კორექტორები – ლეილა საათაშვილი, ნანა მემვაბიშვილი.

კომპიუტერული უზრუნველყოფა:

დაკაბადონება – კარინა ხარაზიშვილი.

ოპერატორები – იზოლდა მოსიძე, ნანა ბიორგაძე, ციალა ხითაროვა.

ISBN 978-99928-20-34-6

ბამყრელიძე თამაზ ვალერიანის ძე (დ. 23. X. 1929, ქუთაისი), ენათმეცნიერი, აღმოსავლეთმცოდნე, საზოგადო მოღვაწე, საქართვე. მეცნ. აკადემიის პრეზიდენტი (2005-იდან). საქართვე. მეცნ. აკად. აკადემიკოსი (1974), სსრკ (ამჟამად რუსეთის) მეცნ. აკად. აკადემიკოსი (1984), საქართვე. მეცნ. დამს. მოღვაწე (1979), ამერიკის მეცნ. ნაციონალური აკად. უცხოელი წევრი (2006), ამერიკის ხელოვნებათა და მეცნ. აკად. უცხოელი საპატიო წევრი (1978); ევროპის მეცნ. აკად. („აკადემია ევროპეა“) ნამდვ. წევრი (2006), ბრიტანეთის აკად. (1980) და ავსტრიის მეცნ. აკად. (1983) უცხოელი წევრი, საქსოხიის მეცნ. აკად. უცხოელი წევრი (1988); ამერიკის ლინგვისტური საზღვის საპატიო წევრი (1971), ევროპის ლინგვისტური საზღვის წევრი (1986-87 – პრეზიდენტი), ბონისა (1994) და ნიკაგოს (1995) უნ-ტების საპატიო დოქტორი. ინდო-გერმ. საზღვის (გფრ) საპატიო წევრი (1984), ჟურნ. „ვოპროსი იაზიკონანიას“ მთ. რედაქტორი (1988-95). დაამთავრა თსუ აღმოსავლეთმცოდნეობის ფაკ-ტის ფილოლ. განყ-ბა სემიტოლოგიის სპეციალობით (1952). სამეცნ.-პედ. მუშაობას ეწევა საქართვე. მეცნ. აკადემიასა (აკად. გ. წერეთლის სახ. აღმოსავლეთმცოდნეობის ინ-ტის დირექტორი 1973-2005, შემდგომ – საპატიო დირექტორი და სამეცნ. საბჭოს თავრე) და თსუ-ში (სტრუქტურული და გამოყენებითი ლინგვისტიკის კათედრის გამგე 1966-იდან, გ. ახვლედიანის სახ. ზოგადი და გამოყენებითი ენათმეცნ. კათედრის გამგე 1998-იდან).

ბ. თანაბარი წარმატებით მოღვაწეობს როგორც თეორიული ენათმეცნიერების, ისე ქართველოლოგიისა და ინდოევროპეისტიკის სფეროებში.

ბ-ის ქართველოლოგიურ ნაშრომთაგან აღსანიშნავია „სიბილანტა შესატყვისობანი და ქართველურ ენათა უძველესი სტრუქტურის ზოგი საკითხი“ (1959). სამეცნ. წრეებში განსაკუთრებული ყურადღება მიიპყრო გ. მაჭავარიანთან ერთად შექმნილმა მონოგრაფიამ „სონანტა სისტემა და აბლაუტი ქართველურ ენებში“ (1965), რ-შიც ახლებურადაა აღდგენილი საერთო-ქართველური ენობრივი სისტემის ძირითადი სტრუქტურული მოდელები (გერმ. თარგმ. 1982). ნაშრომში „წერის ანბანური სისტემა და ძველი ქართული დამწერლობა. ანბანური წერის ტიპოლოგია და წარმომავლობა“ (1989, ი. ჯავახიშვილის სახ. პრემია, 1992; ინგლ. ენაზე, აშშ, 1995) ძვ. ქართ. ანბანური დამწერლობის წარმოშობისა და განვითარების საკი-

თხების შესწავლა ემყარება არა „გამოხატულების პლანის“ გარეგანი გამოვლინების განხილვას, არამედ „შინაარსის პლანის“ უფრო არსებით, შინაგან სტრუქტურულ მონაცემებს. ძვ. სემიტური, ძვ. ბერძნ. და ძვ. ქართ. წერილობითი სისტემების სტრუქტურულ-ტიპოლოგიურმა შეპირისპირებამ გამოავლინა ქართ. დამწერლობის დამოკიდებულება ძვ. ბერძნულ და არა ძვ. სემიტურ სისტემაზე, რ-საც, სვეულებრივ, უკავშირებდნენ ძვ. ქართულ ასომთავრულ დამწერლობას. ნაშრომში განხილულია ძვ. ქართული წერის სტრუქტურული მახასიათებლები და გარკვეულია მისი ტიპოლოგიური ადგილი ადრექრისტ. ხანის დამწერლობათა შორის (კოპტური, გოთური, ძვ. სომხური და ძვ. სლავური), რ-ებიც შეიქმნა აღმ.-ქრისტ. კულტ. სამყაროში. განსაკუთრებულია ბ-ის ღვაწლი შედარებითი ინდოევროპეისტიკის დარგში. ხეთური სოლისებრი დამწერლობის წარმოშობისა და ფონემური სისტემის კვლევისას ბ-მ გარკვეულწილად დააზუსტა და შეავსო ფ. დე სოსიურის „სონანტური კოეფიციენტების“ კონცეფციის საფუძველზე შექმნილი ე. წ. „ლარინგალური თეორია“, რ-იც ეხება ინდოევრ. ხმოვანთა სისტემის ჩამოყალიბებისა და განვითარების ხანგრძლივ და რთულ პროცესს.

ბ-ის მიერ გ. ივანოვთან ერთად შემუშავებული „გლოტალური თეორია“ გვთავაზობს ინდოევრ. თანხმოვანთა სისტემის პრინციპულად ახალ პარადიგმას ინდოევრ. ისტ.-შედარებით ენათმეცნიერებაში (იხ. სტ. რეკონსტრუქცია). ეს პიპოთეზა არსებითად ცვლის ინდოევრ. ტომთა მიგრაციის ტრად. სურათს. ინდოევროპულ ფუძეენისა და პროტოკულტურის რეკონსტრუქციის მიზნით ნატარებული ხანგრძლივი კვლევა-ძიება შეჯამებულია ორტომიან ნაშრომში „ინდოევროპული ენა და ინდოევროპელები. ფუძე-ენისა და პროტო-კულტურის რეკონსტრუქცია და ისტორიულ-ტიპოლოგიური ანალიზი“ (თბ., 1984, რუს. ენაზე, გ. ივანოვის თანაავტორობით და რ. იაკობსონის წინასიტყვაობით; ინგლ. ენაზე: ბერლინი-ნიუ-იორკი, 1994-95), ნაშრომს 1988 მიენიჭა ლენინური პრემია. 2003 თსუ-ში გამოიცა ბ-ის ენციკლოპედიური ხასიათის სახელმძღვანელო „თეორიული ენათმეცნიერების კურსი“ (თანაავტორობით ერთად).

ბ-ის გამოკვლევაში „ენობრივი ნიშნის ნებისმიერობის პრობლემისათვის“ (1972) მოცემულია ახ-

ლებური ინტერპრეტაცია ენობრივი ნიშნის პირობითობისა და ნილს ბორის „დამატებითობის პრინციპის“ თვალსაზრისით.

XX ს. 80-იან წწ-ში ბ. იყო უმაღლესი საბჭოს დეპუტატი, სახალხო დეპუტატთა ყრილობების მონაწილე მოსკოვში, სადაც 1989 მკვეთრად კრიტიკული გამოსვლები პქონდა 1989 წლის 9 აპრილს თბილისში დატრიალებული ტრაგედიის შესახებ. იყო საქართვე. უზენაესი საბჭოსა და რამდენიმე მოწვევის საქართვე. პარლამენტის წევრი (1990-92; 1990, 2003), საქართვე. პარლამენტის საგარეო ურთიერთობათა კომიტეტის თავრე და მუდმივმოქმედი საპარლამენტო დელეგაციების საკოორდ. საბჭოს ხელმძღვანელი.

ბ. არის პუმბოლდტის საერთაშ. პრემიის ლაურეატი (გფრ, 1989), ი. ჯავახიშვილის სახ. პრემიის ლაურეატი (თსუ, 1992) დაჯილდოებულია ღირსების ორდენით (1999). 2000 მიენიჭა „თბილისის საპატიო მოქალაქის“ წოდება.

თხზ.: (გარდა სტატიაში მოხსენიებულისა): „რჩეული ქართველოლოგიური შრომები (სამეცნიერო შრომების ბიბლიოგრაფიით და გ. კლიმუვის შესავალი წერილით), თბ., 2000; დე-საფრიკატიზაცია სვანურში. „გადაწერის წესები“ დიაქრონიულ ფონოლოგიაში, თბ., 1968. Хеттский язык. Ларингальная теория. – «ენათმეცნიერების ინსტიტუტის შრომები (აღმოსავლურ ენათა სერია)», ტ. 3, თბ., 1960; Передвижение согласных в хеттском (неситском) языке. – «Переднеазиатский сборник», М., 1966; The Akkado-Hittite syllabary and the problem of the origin of the Hittite script. – «Archiv Orientalni», 1961, Vol. 29,3; Kartvelian and Indo-European: A typology of reconstructed linguistic systems. – «To Honour Roman Jakobson», The Hague, 1967; Anatolian languages and the problem of Indo-European migration to Asia Minor. – «Studies In General and Oriental Linguistics», Presented to Shirō Hattōri. Tokyo, 1970; Selected Writings. Linguistic Sign, Typology, and Language Reconstruction, Innsbruck, 2006 (სამეცნიერო შრომების ბიბლიოგრაფიით და რუდიგერ შმიტის შესავალი წერილით თ. გამყრელიძის შესახებ).

ჯ. გიუნაშვილი. ნ. გიოშვილი.



თ. გამყრელიძე.